

Dingq bouxgeq lwnh, gaxgonq, miz song ranz vunz gig fouqmiz, song ranz gek diuz Dahyougyangh dangq youq, yienznaeuz song ranz liz haemq gyawj, hoeng ngoenznaengz song ranz vunz mbouj miz maz laeujcaz baedauq. Ranz dah baihsuix miz daeg mbauq ga' gvez daliuq ndeu, ranz dah baihgvas miz dah sau heujdit gemjmbot ndeu; ranz daeg mbauq cingj daeg mbauq sangmaengh ndeu guhhoiq, ranz dabsau hix cingj dah hoiq gyaundeideu daeuj bangfwngz.

Song bouxcoz nienzgeij ngoenz beij ngoenz geq lo, aenvih song boux de dwg vunz yakfaz, yienznaeuz ndaw ranz ngaenzcienz rim sieng gwndaenj mbouj you, hoeng cix mbouj miz vunz nyienh cam song boux de guhyoux, neix hawj song baih bohmeah simnyap hwnjdaej. Vih yienghsienq lwglan ciuhlaeng dajsuenq, bohmeah daegmbauq maqmuengh daeglwg ra ndaej dah sau gyaundeideu guhyah, ranz dabsau hix maqmuengh dahlwg haq hawj daeg mbauq sangmaengh ndeu. Song ranz vunz dawz gij siengjap neix daengq yahmoiz bang ra, hoeng ra bae ra dauq hix ra mbouj ndaej boux hab aen diuzgen neix. Doeklaeng yahmoiz naemj: Gawqyienz song ranz cungj dwg ranzfouqmiz, caemhcaiq song bouxcoz nienzgeij youh doxboiq, danghnaeuz gap baenzdoi hix mbouj loek ne! Yienghneix, yahmoiz genj ngoenzndeideu ra dieg hawj songde cimnaj.

Song bouxcoz byawz cungj lau okdou raennaj, doeklaeng song baih iekdingh: Hawj bouxsai vad ruz bae baihamq de doxraen.

Ngoenz cimnaj yaek daengz lo, daegmbauq sim' angq raixcaix, de dingq gangj dah haenx dwg lwg ranzmiz, vunz itdingh gig gyaundeideu, swheij ga' gvez daliuq, lau dah haenx yiemz, ngeix bae naemj dauq, doeklaeng de naemj ok aen cawjeiq ndeideu. Baihde, dabsau siengj daengz gij yienghsienq bonjfaenh, sim hix gip hwnjdaej, baenzlawz cij hawj daegmbauq yawj hwnj swheij ne? Dabsau hix siengj ok aen banhfap ndeideu.



Ngoenz cimnaj daengz lo, daegmbauq vad aen ruz gvaq dah bae, gyaеuјruz ndwn daeg mbauq sangmaengh ndeu. Laj go' ndoek haenzdah hix ndwn dah sau gyaundeideu lumj dabsien ndeu, song bouxde doxraen le doq vad fwngz doq ngaek gyaеuј, song ranz vunz cungj roxnyinh song bouxde doxboiq dangqmaz.

Gvaqrap geij baez couh daengz ngoenz guhlaeuj lo, ngoenz haenx song ranz vunz gaj mou gaj bit, gak cingj daengx mbanj vunz daeuj gwn laeuj, nauhyied raixcaix! Ranz dabsau angqyangz soengq lwg ok dou, ranz

daegmbauq vuenheij cieп bawx haeuj ranz. It baiq mbwndeih, ngeih baiq cojcoeng, gvanbaz doxbaiq, guh sam baiq le, gwizmoq yinx bawxmoq haeuj rug bae naengh, youh dawz nengqrwz goenhgim okdaeuj raek hawj bawxmoq, yienghyienh guh sat le, sim diuqbubub, couh yaek biengj mbaw baengzhoengz gwnz gyaеuј bawxmoq, gwizmoq muenxeiq dwk siengj: Swheij yungh geiqmaeuz aeu ndaej bouxbawx baenz gyaundeideu, ciuhvunz neix gaeuq bonj lo. Mwhde, bawxmoq hix naj hoengzfedfed, sim' angq dwk siengj: Gwizmoq maj ndaej baenz sangmaengh, swheij caen dwg "meuzmengz daemj nounaeuh" lo. De maqmuengh gwizmoq vaiqdi umj de hwnj mbonq bae, "haeuxsan cawj baenz haеuxcug" le yienghlawz cungj mbouj lau lo. Seizneix, song boux de baez biengj mbaw baengzhoengz, song boux sikhaek naj bienq doeksat hwnjdaej.

"Meh ha!" Bawxmoq daej hwnjdaej ndaq naeuz: "Ngoenz cimnaj boux ndwn gyaеuјruz baenzlawz dwg boux ga' gvez daliuq ne!?" Gwizmoq hix hujdengdeng ndaq naeuz: "Goujndeuzboz lo! Ngoenzhaenx mingzmingz dwg dah gyaundeideu caeuq gou ngaek gyaеuј vad fwngz, ngoenzneix vihmaz dwg bienqbaenz

dah heujdit gemjmbot ndeu ne!?" Song boux de youq ndaw rug doxceng hwnjdaej, boux mbouj nyienh boux, ca di doxmoeb hwnjdaej, doeklaeng cijndeideu heuh yaxmoiz bae ra hakdoj bingzleix.

Hakdoj cam: "Dwg bouxlawz bang sou guhmoiz ne?" Songde vix yahmoiz naeuz: "Dwg yah de." Hakdoj cam yahmoiz: "Nanzdauh mwngz guh moiz mbouj gangj cingcuj ha?" Yahmoiz han naeuz: "Song ranz de soengq cienz hawj gou guhmoiz, gou saedcaih mbouj miz banhfap ra boux diuzgen ndeideu daeuj boiq song boux de, hoeng gou raen song ranz de dwg ranz fouqmiz, doiq bouxcoz neix gak fuengmienh youh doxboiq, wngdang mbouj boux yiemz boux, gou couh genj ngoenzndeideu hawj songde youq henz dah cimnaj, mwhde song ranz vunz roxnyinh muenxeiq dangqmaz, baih mbauq soengq rap le couh dingh ngoenzndeideu cingj laeuj lo, gienh saeh neix dwg song ranz de guhcawj, mbouj gven gou ha!"

Laxlawz ngoenz doxcim haenx, Daegmbauq lau dabsau yawj mbouj hwnj de, couh hawj bouxhoiq cang de ndwn gyaеuјruz vad fwngz, daegmbauq cix cang guh bouxvadruz. Siengj mbouj daengz, dabsau hix lau baihde yawj mbouj hwnj swheij, hix heuh dahhoiq ranzde daeuj dingj de ndwn henz dah, de cix ndoj youq baihlaeng cazndoek laeglemx yawj, seizneix song bouxcoz cix rox ienqhoij lo.

Hakdoj rox laizyouz le, riuhaha hwnjdaej naeuz: "Ndeuujgak boiq bouxgvez, daliuq boiq gemjmbot, baenz ha! Yawj gij yienghsienq song boux sou dwg gig doxha, neix dwg gwnzmbwn boiq hawj, mbouj ndaej doxyiemz! Caiqnaeuz saundeideu boiq mbauqmaengh hix baenz doiq ndeu, couh dwg yienghneix dingh roengzdaeuj!"

Song bouxcoz dingq le roxnyinh vah hakdoj gig deng, couh angq dwk guh gvanbaz lo. Caen dahraix hab vah bouxhakdoj, mbouj geij nanz, song boux hoiq haenx hix lingh gap baenz gvanbaz lo.

Gomakgaem yenzgiusoij laeb youq Gveilinz, sojcangj Cwngh Menj yienzlaiz dwg boux sojcangj Cunghgoz Gohyozyen Cwngzduh Gomakgam Yenzgiusoij ndeu. De daengz Guengjsae canhgvanh le, nyinhnaeuz youq Guengjsae ndaem gomakgam diuzgienh ndeideu gvaq Swconh, siengj senj Cwngzduh Gomakgam Yenzgiusoij daengz Guengjsae, hoeng caengz ndaej gij bumwnz cawjguenj doengzeiq gvaq, ndigah, daezok youq Guengjsae guh aen sojnga ndeu. Se Dunghlaiz lwnh gij cingzgvang neix hawj Veiz Gozcingh dingq le, Veiz Gozcingh naeuz: "Ndeideu ha, byawz siengj daeuj Guengjsae nei raeuz cungj angqcoux de! Daeuj daengz le, aeu boiq ci caeuq hwnj ranz hawj de." Hojsik, boux lauxhangz gomakgam neix ngamq daeuj daengz mbouj geij nanz, "vwnzva dagwzming" cix hainduj lo, de fouznaih deng bik deuz ok Guengjsae.

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangjsij Cioz Siengzcouh Liuz Gingliuj Cioz Siengzgen boiz

Vihliux fazveih gij akcawq dangzoiј Guengjsae, Veiz Gozcingh ok le rengz gig laux. De lai baez bae daengz Gveiyen Dangzcangj, Gveibingz Dangzcangj caeuq gij dangzcangj wnq, liujgaiј caeuq ngeixyaeng gij vwndiz mizgven dangzoiј haenx. De caenndang cujeiz gij hoih cwngfuj banngoeng, ngeixyaeng caeuq dingh gij giva swcigih ndaem gooiј caeuq guh dangzcangj haenx. Ciuq gij yigen de, swcigih laebbaenz aen Dangzoiј lingjdauј siujcuj, gvaqlaeng gaiј

guh dangzoiј swngheanј bangunhsiz, fucwz hezdiuz, gyoebcomz cauh'ok yienzliuh caeuq gyagoeng. Mwh de lij youqnyaemh, gooiј ndaejsou 280 lai fanh dun, canј dangz 27 fanh lai dun. Gvaqlaeng geij gaiј dangjveij caeuq cwngfuj swcigih, itcig dawz hong dangzoiј dangq aendongh ginghci cuјyau ndeu daeuj ca. Daengz seiz satbyai "8.5 giva", Guengjsae gooiј ndaejsou 2500 lai fanh dun, canј dangz 170 lai fanh dun, baenz le aen dieggoek ok dangz daengx guek ndeu. Daj

neix hwnj, hong gooiј Guengjsae doiј guekgya gung' yen ngoenz beij ngoenz laux.

Sizcenj cingqmingz, Gihdangjveij youq bi 1963 daezok gij fuengcim mbefat nungzyez haenx habngamj gij saehsaed Guengjsae. Caenhguenј doeklaeng guekgya haеuxgwn gaenј, yingjyangj hengzguh fuengsim neix duenh ndeu, hoeng seizneix de doiј sonyinx Guengjsae guh hong nungzyez ciuqyiengh miz yiјi hungnaek.

(caengz sat)